



Na osnovu člana 38. Statuta KJKP "Toplane-Sarajevo" d.o.o., Zaključaka Vlade Kantona Sarajevo, broj: 02-05-30018-36/19 od 12.09.2019. i 02-04-700-26/20 od 23.01.2020.god i Saglasnosti Ministarstva komunalne privrede i infrastrukture, broj: 27-34-42254-1/19. i 27-34-40829-2/19 od 11.12.2019.godine, Direktor raspisuje

JAVNI OGLAS
za prijem radnika u radni odnos

Prijem radnika na neodređeno vrijeme, za sljedeća radna mjesta:

- | | |
|--|-------------|
| 1. Viši projektant | 1 izvršilac |
| 2. Stručni saradnik za naplatu potraživanja | 1 izvršilac |
| 3. Stručni saradnik za rješavanje zahtjeva korisnika | 1 izvršilac |

i prijem radnika na određeno vrijeme, u trajanju od 12 mjeseci, za sljedeća radna mjesta:

- | | |
|------------------------------|-------------|
| 4. Tehničar II (građevinski) | 1 izvršilac |
| 5. Serviser MRO II | 1 izvršilac |
| 6. Serviser EMR III | 1 izvršilac |
| 7. Pomoćni radnik | 1 izvršilac |
| 8. Tehničar (mjeritelj) | 1 izvršilac |
| 9. Podstaničar | 2 izvršioca |

Pored općih uslova (državljanstvo BiH i opća zdravstvena sposobnost), Posebni uslovi za prijem (pod rednim brojevima):

1. VSS (Mašinski fakultet, smjer energetike ili procesna tehnika ili klimatizacija, grijanje i hlađenje)

Radno iskustvo: 3 godine radnog iskustva na poslovima iz domena rada sistema daljinskog grijanja, poznavanje tehničkih propisa i standarda, Dopunsko znanje: Stručni ispit (Ako kandidat sa najviše bodova nema položen stručni ispit, isti je obavezan da položi čim se za to steknu uslovi) engleski ili njemački jezik (čita i piše), rad na PC-u (Programi: Windows, Word, Excel, AutoCAD)

Opis poslova: Učestvuje u izradi i realizaciju planova, projekata i investicija; prati legislativu, tehničke propise i standarde iz domena sistema daljinskog grijanja, koordinira i učestvuje u realizaciji projekata priključenja novih korisnika i postrojenja u izgradnji (kotlovnice, podstanice, ...) na sistem KJKP Toplance-Sarajevo, koordinira i učestvuje u realizaciji projekata preuzimanja postrojenja koja nisu u vlasništvu KJKP Toplance-Sarajevo (kotlovnice, podstanice); učestvuje u izradi tehničkog dijela tenderske dokumentacije za javnu nabavku vitalne opreme i pratećih radova, učestvuje u evaluaciji prispjelih ponuda, ako je član komisije, učestvuje u kvalitativnoj i kvantitativnoj kontroli ulaznih roba, ako je član komisije; izrađuje i kontrolira projektne investicione-tehničku dokumentaciju koja se odnosi na gradnju termoenergetskih postrojenja i objekata; izrađuje projektne eksterne, instrukcije i upute za eksterne investitore koji se bave projektovanjem i izgradnjom termoenergetskih postrojenja i objekata; vrši reviziju eksterne projektne i tehničke dokumentacije; koordinira i aktivno učestvuje u realizaciji velikih investicija i projekata; vodi nadzor nad izgradnjom termoenergetskih postrojenja i objekata u skladu sa zakonima o građenju, po potrebi vodi izgradnju termoenergetskih postrojenja i objekata u skladu sa zakonima o građenju; učestvuje u realizaciji aktivnosti tehničkog prijema termoenergetskih postrojenja i objekata i pribavljanja upotrebne dozvole; učestvuje u izradi studija, analiza, elaborata, tehničkih uputstava na nivou Preduzeća; predlaže aktivnosti na racionalnoj potrošnji prirodnog gasa i tečnih goriva; obrađuje zahtjeve za izdavanje saglasnosti i izrađuje načelne energetske, konačne energetske saglasnosti i saglasnosti na projektnu dokumentaciju; učestvuje u izradi informacije o mogućnosti priključenja, analizira i daje prijedloge i sugestije o mogućnosti priključenja; izrađuje i učestvuje u izradi tehno – ekonomskih elaborata o mogućnosti priključenja postrojenja/objekata na toplifikacioni sistem KJKP Toplance-Sarajevo; izrađuje ili učestvuje u izradi informacije o mogućnosti priključenja, analizira i daje prijedloge i sugestije o mogućnosti priključenja; vrši poslove tehničke asistencije Službama Preduzeća; učestvuje u izradi prijedloga procedura i uputstava iz domena Službe razvoja i zajedničkih procedura i uputstava na nivou Preduzeća; učestvuje u izradi raznih prezentacija i prezentovanju sistema daljinskog grijanja KJKP Toplance-Sarajevo; učestvuje u aktivnostima koje se vode na nivou Preduzeća kroz razne timove, komisije ili samostalno prema odluci Direktora ili Uprave Preduzeća; povremeno kontaktira i saraduje sa eksternim ustanovama, organizacijama, dobavljačima, specijalističkim servisima itd.; prati, proučava i primjenjuje propise, standarde i normative iz oblasti mašinstva koji se odnose na djelatnost Preduzeća; po potrebi obavlja poslove Voditelja mašinskog odjela u njegovom odsustvu; radi i druge poslove iz djelokruga rada Službe i Preduzeća.

Mjesto rada: Topal Osman Paše br. 22

Radno vrijeme: 7³⁰ - 16⁰⁰

Osnovna plaća: 1635,90 KM

2. VSS (Ekonomski fakultet 240 ETC)

Radno iskustvo: 1 godine na istim ili sličnim poslovima

Dopunsko znanje: Rad na PC

Opis posla: Poduzima aktivnosti za kategorije korisnika usluge centralnog grijanja (sačinjava spiskove za pozivanje korisnika na dnevnoj bazi i koordinira rad referenata u Call centru i referenta za info liniju); priprema prijedloge rješenja po zahtjevima korisnika u saradnji sa voditeljem odjela; priprema odgovore korisnicima usluge u saradnji sa voditeljem odjela; komunicira sa nadležnim organima s ciljem naplate potraživanja; neposredno saraduje sa drugim odjelima u Službi i drugim službama, u cilju u rješavanju zahtjeva korisnika (novi korisnici, raskid ugovora, reklamacije, sudski sporovi itd.); kontaktira korisnike u cilju naplate potraživanja (putem: telefona, e-maila, dopisa/opomena; prati pošivanje zaključenih ugovora o izmirenju dospjelog duga i evidentiranje u bazi podataka; vrši upoređivanje prikupljenih podataka na osnovu telefonskih poziva, sa podacima u bazi; sačinjava izvještaje o poduzetim aktivnostima za kategorije korisnika usluge centralnog grijanja i dostavlja Voditelju odjela; učestvuje u pripremi izvještaja o aktivnostima poduzetim u cilju naplate potraživanja; prima korisnike, obavlja razgovore i daje prijedloge za postupanje u cilju naplate potraživanja; radi i druge poslove po nalogu neposrednog rukovodioca.

Mjesto rada: Džemala Bijedića do br. 72

Radno vrijeme: 7³⁰ - 16⁰⁰

Osnovna plaća: 1635,90 KM

3. VSS (Pravni fakultet 240 ETC)

Radno iskustvo: 1 godine na istim ili sličnim poslovima

Dopunsko znanje: Znanje MS Office paketa

Opis poslova: Obrađuje i priprema prijedloge rješenja po zahtjevima korisnika; priprema prijedloge odgovore korisnicima usluge (uključujući i odgovore na e-mail); komunicira sa ovlaštenim Upravicima i drugim nadležnim organima, s ciljem potvrde podataka o korisnicima usluge; vrši



direktnu komunikaciju sa korisnicima na terenu u cilju ažuriranja podataka o korisnik; priprema predračun i ponudu, i komunicira sa drugim odjelima i službama, s ciljem realizacije prihvaćene ponude; priprema obračun umanjenja zaduženja (i knjižno odobrenje) po prijedlozima rješenja prigovora korisnika; obavlja poslove Administratora Zbirke korisnika centralnog grijanja i ostalih usluga; saraduje sa drugim odjelima u Službi i drugim službama, u cilju u rješavanju zahtjeva korisnika (novi korisnici, raskid ugovora, reklamacije, sudski sporovi itd.); učestvuje u definisanju zahtjeva u pogledu aplikativnih softverskih rješenja iz domena djelokruga Odjela; priprema prijedloge ugovora o isporuci toplotne energije (za korisnike poslovnih prostora) i druge ugovore po nalogu neposrednog rukovodioca; verifikuje Ugovore o korištenju toplotne energije; štampa prepise računa za usluge centralnog grijanja; učestvuje u izradi izvještaja o prodaji; radi i druge poslove iz djelokruga rada Odjela/Službe, a po nalogu neposrednog rukovodioca; prati internu regulativu, kao i sve zakonske propise koji se odnose na djelokrug rada Odjela; radi i druge poslove iz djelokruga rada odjela, a po nalogu neposrednog rukovodioca.

Mjesto rada: Džemala Bijedića do br. 72

Radno vrijeme: 7³⁰ - 16⁰⁰

Osnovna plaća: 1635,90 KM

4. SSS (Građevinski tehničar)

Radno iskustvo: 1 godina radnog iskustva na istim ili sličnim poslovima

Dopunsko znanje: Rad na PC-u (Programi: Windows 9X, Word, Excel, AutoCAD), vozačka dozvola „B“ kategorije

Opis posla: Na osnovu prijavljenih hitnih intervencija, zahtjeva za održavanje ili po zajedničkom radnom nalogu uvodi u posao i vrši nadzor nad izvođenjem građevinskih radova od strane firmi sa kojima su Toplane sklopile ugovor za tekuće održavanje, hitne intervencije, rekonstrukcije i investicije; saraduje sa spoljnjim saradnicima (firmama i predstavnicima firmi) radi definisanja dodatnih usluga (asfaltiranje, saniranje zelenih površina, ustakljivanje i sl.); komunicira sa Općinskim i Kantonalnim organima, kao i Ministarstvom saobraćaja za dobijanje odobrenja u slučaju prokopa saobraćajnica; vrši uvidaje i pravi Zapisnike po prijavi korisnika o nastaloj šteti (Zapisnike dostavlja SPN-u i Službi IMS za slučaj nadoknade štete); vrši crtanje građevinskih osnova objekata; u saradnji sa SPN-e vrši mjerenje grijnih površina stambenih i poslovnih prostora; radi i druge poslove iz djelokruga rada Službe i daje povratne informacije o izvršenju istih.

Mjesto rada: Prvomajska br.11

Radno vrijeme: 7³⁰ - 16⁰⁰

Osnovna plaća: 934,80 KM

5. SSS (Elektrotehnička škola, elektrotehničar elektronike i automatike, elektroenergetičar)

Radno iskustvo: 1 godina radnog iskustva u struci

Dopunsko znanje: Poznavanje teh. propisa i standarda iz oblasti rada, položen vozački ispit „B“ kategorije.

Opis poslova: Montaža i održavanje opreme i elektroinstalacija za regulaciju odlazne temperature vode, opreme za mjerenje utroška toplotne energije-kalorimetara, opreme za daljinsko upravljanje-telemetrije, oprema za hemijsku pripremu vode, opreme za detekciju curenja gasa, telefone i računare te jednostavnije kvarove na klima uređajima, prema dostavljenom radnom nalogu i pratećoj tehničkoj dokumentaciji; preventivni pregled navedenih instalacija i opreme van sezone grijanja – remont, prema dostavljenom radnom nalogu i pratećoj tehničkoj dokumentaciji; preventivni pregled navedenih instalacija i opreme u sezoni grijanja, prema dostavljenom radnom nalogu i pratećoj tehničkoj dokumentaciji; školovanje na stručnim kursovima koje organizuju proizvođači instalirane opreme, prati sve novosti vezano za navedene instalacije; kao vođa servisne ekipe daje upute i nadzire rad ostalih servisera; vrši obuku ostalih servisera MRO kroz rad na terenu kao i teoretsku obuku u radionici; vrši i druge poslove po nalogu poslovođe servisa MRO, voditelja odjela elektroodržavanja i rukovodioca Službe servisa.

Mjesto rada: Prvomajska br. 11

Radno vrijeme: 7³⁰ - 16⁰⁰

Osnovna plaća: 985,45 KM

6. SSS (Elektrotehnička škola, elektrotehničar elektronike i automatike, elektroenergetičar)

Radno iskustvo: 1 godina radnog iskustva u struci

Dopunsko znanje: Poznavanje teh. propisa i standarda iz oblasti rada, položen vozački ispit „B“ kategorije

Opis posla: Montaža i održavanje elektroinstalacija za napajanje električnom energijom postrojenja i objekata (osim mjernog mjesta), razvodnih elektroarmara, elektromotornog razvoda cirkulacionih sistema, sistema za održavanje pritiska, filter sistema, sistema za odvod otpadnih voda, sistema ventilacije, sistema dogrijavanja zraka, instalacija rasvjete i utičnica, dizel agregata, instalacija za izjednačavanje potencijala, gromobranskih instalacija i elektroinstalacija i uređaja u protueksplozivnoj zaštiti, prema dostavljenom radnom nalogu i pratećoj tehničkoj dokumentaciji; montaža i održavanje opreme za frekventnu regulaciju broja obrtaja cirkulacionih pumpi, prema dostavljenom radnom nalogu i pratećoj tehničkoj dokumentaciji; preventivni pregled navedenih instalacija i opreme van sezone grijanja – remont, prema dostavljenom radnom nalogu i pratećoj tehničkoj dokumentaciji; preventivni pregled navedenih instalacija i opreme u sezoni grijanja, prema dostavljenom radnom nalogu i pratećoj tehničkoj dokumentaciji; školovanje na stručnim kursovima koje organizuju proizvođači instalirane opreme, prati sve novosti vezano za navedene instalacije; vrši i druge poslove po nalogu poslovođe servisa EMR, voditelja odjela elektroodržavanja i rukovodioca Službe servisa.

Mjesto rada: Prvomajska br.11

Radno vrijeme: 7³⁰ - 16⁰⁰

Osnovna plaća: 779,00 KM

7. PK (osnovna škola)

Radno iskustvo: bez iskustva

Dopunsko znanje: vozački ispit „B“ kategorije.

Opis poslova: Radi na poslovima pomoći kod montaže, utovaru i istovaru prilikom transporta, slaganju robe, opreme i materijala; pomoći kod poslova termoizolacije i antikorozivne zaštite, održavanju i čišćenju automobila; betoniranju, iskopu zemlje, održavanju čistoće u radionicama, dvorištima, kotlovnica, podstanicama, šahtovima, dimnim kanalima; Vršiti i druge poslove po nalogu poslovođa servisa i voditelja odjela mašinskog održavanja

Mjesto rada: Prvomajski br.11

Radno vrijeme: 7³⁰ - 16⁰⁰

Osnovna plaća: 779,00 KM

8. SSS (elektrotehnička škola)

Radno iskustvo: 1 godina radnog iskustva na sličnim poslovima

Dopunsko znanje: Poznavanje rada na PC, poznavanje standardnih metoda iz rada mjerenja polutanata, osnovno znanje engleskog jezika. vozački ispit "B" kategorije

Opis poslova: Radi na poslovima mjerenja emisije polutanata u dimnim (otpadnim) plinovima nastalih u postrojenjima za sagorijevanje; mjerenja vrši u skladu sa važećim procedurama na posebno označenom mjernom mjestu; mjerenje polutanata vrši prema usaglašenom Planu mjerenja polutanata; unosi podatke dobijene sa mjernog uređaja u za to definisane interne Zapisnike; unosi podatke dobijene sa mjernog uređaja u eksterne Zapisnike definisane propisima nadležnog ministarstva Kantona Sarajevo; distribuciju zapisnika obavlja prema intrenim procedurama putem neposrednog rukovodioca; vodi računa o ispravnosti uređaja za mjerenje polutanata, načinu izuzimanja uređaja transporta prilikom odlaska na radne zadatke te o njihovom skladištenju i periodima kalibracije; u periodu van sezone grijanja radi poslove i druge poslove prema nalozima



neposrednog rukovodioca; reaguje u slučaju neispravnosti uređaja i zapisnički konstatuje problem; sve poslove obavlja u skladu sa propisanom dokumentacijom QMS/EMS/OHS-a , kvalitetno i okolinski bezbjedno; izvršava zadatke u skladu s tehničkom dokumentacijom, propisima i dobivenim nalogima i uputstvima; vrši obnovu stručnog znanja kroz obuku po planiranom programu Toplana.

Mjesto rada: Džemala Bijesdića do br. 72

Radno vrijeme: 7³⁰ - 16⁰⁰

Osnovna plaća: 779,00 KM

9. KV/SSS

Radno iskustvo: Bez iskustva

Opis posla: Rukuje izmjenjivačima toplote, pumpama, reguliše distributivnu i razvodnu mrežu, rukuje zapornim i regulacionim armaturama i drugim uređajima u sistemu grijanja kojim upravlja Preduzeće; izvršava zadatke u skladu sa uputstvima, tehničkom dokumentacijom, propisima i dobivenim nalogima; radi na poslovima redovnog sezonskog remonta za koje je osposobljen; stalno prati i nadzire rad i kvalitet distributivne mreže i pripadajućih podstanica na dijelu mreže za koji je odgovoran; pomaže rukovaocu pri praćenju stanja grijanja u podstanicama i mjerno regulacionim šahtovima i otklanjanju nedostatke u domenu svojih ovlaštenja; vršenju očitavanja parametara nosilaca topline u postrojenju; vršenju očitavanja i unosa veličina u SG-02 obrazac; vršenju kontrole bezbjednosti i ispravnosti šahtova; vrši poslove istraživanja gubitaka vode iz postrojenja; na održavanju higijene postrojenja; sve poslove obavlja u skladu sa propisanom dokumentacijom IMS-a i okolinski bezbjedno; Vršiti redovnu obnovu stručnog znanja kroz programe stručne obuke preduzeća i programa zaštite na radu i PPZ; radi i druge poslove iz djelokruga rada PJ i daje povratne informacije o izvršenju istih.

Mjesto rada: Kanton Sarajevo

Radno vrijeme: u smjenama tokom sezone grijanja

Osnovna plaća: 779,00 KM

Potrebna dokumentacija:

Kandidati su dužni uz potpisanu prijavu, sa kratkom biografijom, dostaviti u zatvorenoj kovrti sljedeće dokumente ne starije od 6 mjeseci (u originalu ili ovjerenoj kopiji):

- Izvod iz matične knjige rođenih
- Uvjerenje o državljanstvu BiH
- Diplomu o stečenom stručnom obrazovanju
- Dokaz/potvrdu poslodavca o radnom iskustvu za radna mjesta 1, 2, 3, 4, 5, 6 i 8
- Kopija vozačke dozvole za radna mjesta 4, 5, 6 i 8
- Potvrda/uvjerenje kojim se dokazuje prednost pri zapošljavanju
- Ljekarsko uvjerenje dostavlja izabrani kandidat.

Nepotpune, neuredne i neblagovremene prijave se neće uzimati u razmatranje.

Komisija za izbor obavještava kandidate o terminu polaganja ispita putem e-mail-a ili telefona (izuzetno putem pošte, ukoliko kandidat nema e-mail adresu/telefon). Poslovnik o radu Komisije će biti dostupan na www.toplanesarajevo.ba.

Kandidat koji ne ostvari minimalni broj bodova na pismenom ispitu ne učestvuje u daljem izbornom procesu. U slučaju da po provedenom ispitu kandidati imaju isti broj bodova, prednost se daje kandidatu koji po Zakonu o dopunskim pravima boraca-branitelja BiH ima prednost pri zapošljavanju.

Nakon provedene procedure javnog oglašavanja dokumentacije se **neće vraćati** kandidatima.

Oglas je otvoren 10 dana od dana objavljivanja u dnevnom listu.

Za dodatne informacije kontakt telefon: 033 450 030 lokal 212, Sekretar komisije.

Prijavu sa traženim dokumentima dostaviti **putem pošte, na adresu sjedišta, ili direktno na protokol. Na poledini kovrte obavezno upisati ime, prezime, adresu i kontakt telefon.**

KJKP „Toplane-Sarajevo“ d.o.o. Sarajevo
“Javni oglas za prijem radnika (s naznakom pozicije)”
– NE OTVARAJ –
Ul.Semira Frašte br.22
71 000 SARAJEVO